

Biografia Johanna Dominica Figaroa



Sra. Johanna Dominica Figaroa ta un di e personanan cu o wordo homenagea durante Festival Un Canto na nos Himno y Bandera, e aña aki.

Sra. Johanna no ta un persona desconoci aki na Aruba ya cu el a cura y sana masha hopi hende cu e don cu Dios a dune'.

Sra. Johanna a casa cu Leonar-do Figaroa d.f.m. y Dios a bendi-

yud' e cura e garganta.

Sra. Johanna a nace cu un don di docter, curandero y te hasta por pa-pia di sanacion. E ta un fiel devoto cu a yuda masha hopi hende mes cu sanacion y e hasta hende ta papia di milager, pero Sra. Johanna ta kere mas den sanacion.

Sra. Johanna ta canta, toca orgel, resa den misa y na su cas y tambe na cas di famia y conocirnan y tur diaranzon Sr. Johanna ta bishita Alto Vista. E ta cura hende rond di Aruba y den exterior tambe. Por lo menos 2 o 3 rosario Sra. Johanna ta reza pa dia.

E tin su altar na cas y tur siman e tin oracion pa bay Alto Vista. Un gran yiu di ta cu boluntad di Dios e ta yuda tur esnan cu tin malesa y cu tin malesanan dudoso.

Fundacion Cultural di Festival Himno y Bandera ta honra Sra. Johanna cu un plaqueette di merito.

ciona e pareha cu 13 yiu.

Na edad hopi hoben Sra. Johanna a confronta problema cu garganta pero e mes a cura e garganta despues di a bay docter y cu ho por a

BIOGRAFIA JACINTO "CHINTO" HARMS

Jacinto "Chinto" Harms, biba na Brazil 19 A, awe tin 78 aña di edad, ta casa cu Maria Stamper y nan a mayornan di 4 yiu.

Na Aruba el a bay scol na Heilig Hart na Savaneta y na 1952 a drenta lago Vocational School y a gradua na 1956. El a traha cu Lago for di 1952 te 1985. For di 1956 e 1969 e tabata Lago Police y a termina como Sargento y Buitengewoon agent van Politie. Na 1983 el a bira Luitenant.

For di 1968 pa 1983 e tabata encarga cu Departamento di Candela di Lago combina cu Departamento di Seguridad. E posicionnan cu el a ocupa tabata di Fire Inspector - instructor, Fire Chief - Oilspill Coordinator, ocupa cu rescate riba tera y bao di awa.

Chinto a duna training na empleadonan y na Brandweer Aruba, tambe tur aña 40 ora pa hefenan di tur Refineria di Exxon. El a haci esaki tambe na El Salvador, Chili, Colombia, Suriname, Venezuela, Bonaire etc.

El a pasa den diferente training pisa di tur sorto di candela, gas, etc. Tres pa cuater biaha pa aña e tabata bay training na Merca, e.o. na Texas, Philadelphia, New Jersey, New York.

E tabata duna permiso pa trabaonan di asbest, dinamit, y productonan di radio-actividad, riba nos isla y a dirigi tur sorto di emergencia, e.o. candela, tanto den refineria y pafo di refineria.

Na dos ocasion el a bay Esso San Salvador, y dos biaha Colombia na Bucaramanga na dos planta di gas.

E tabata tambe un oficial di departamento di seguridad. E 48 boluntarionan, pa rescatenan, tur tabata bao di su encargo. na 1983 el a promove pa Lieutenant di Lago police net dos aña prome cu Lago a cera.

Na 1987 el a core stage na Merca, na Orlando, Orange County, Gainesville y Disney World pa wordo certifica pa Inspector pa hospitalnan, night clubnan, scolnan, restaurantnan, hotelnan etc.

Di 1998 pa 2003 Chinto a traha pa A.A.A. N.V. su renobacion y sigui pa drecha tur sistema (equiponan necesario pa ora tin candela) na A.A.A. N.V. E tabata Safety Fire Supervisor. na 2001 el a prepara un plan di evacuacion completo cu su mapanan.

Den construcion el a traha cu contratistanan renombra rond mundo, tambe cu tur esnan di Aruba y tur tabata super contento cu su trabao. A bini e periodo cu Valero for di 2003 pa 2009 unda el a traha cu diferente contratista como Safety Supervisor. Contratistanan manera Johnson enterprises, Wescar, Land Coast, Petro Advance, Filtec y ERA.

Te awe e ta e unico Arubiano cu a logra tur e titulonnan menciona y a haci tur e cursonan necesario pa logra esakinan y no ta pornada e ta wordo yama "Chinto Candela"

Ademas di e trabaonan aki e tabata tin su hobbynan tambe. E ta gusta planta for di chikito y tin 70 aña ta haci esaki, y el a cria tambe tur sorto di bestia. Den deporte e tabata hungadoman di futbol, volleyball, softball, golf, etc. y a traha como voluntario pa diferente organizacion.

Den su hobbynan e tin tambe bailamento y piscamento y tabata maestro di ceremonia hopi aña principalmente na Brazil pa actividadnan, deporte, bingo, carnaval, dande, y fiestanen cu baile. Despues di trabao e tabata gusta traha tambe como Carpintero y metsla y tabata miembro di Vrijwilligerskorps Brandweer. Tabata na 1992 cu ex officier

Tromp el a bay Corsow pa haci preparacion pa lanta un cuerpo asina na Aruba tambe.

Dia 12 di maart 1980 el a wordo eligi como president di directiva pa mayornan pa scolnan di Brazil. e scolnan di Brazil ta e prome scolnan cu a bin cu uni-form.

E tabata den politica tambe un tempo y dos biaha e tabata riba lista di Partido RUBA.

EXPERIENCIA AMARGO

E recuerdo amargo cu e tin ta di algo cu a so-

sode dia 8 di maart 1977, un dia cu nunca e lo lubida pa falta di mal maneho di Brandweer Aruba su comandante e tempo ey.

Riba e dia aki tabata tin dos explosion sigui pa candela, un na Lago y otro na WEB. Na Lago tabata tin un explosion 10.30 or mainta na Pipestill nr. 5 pa Powerhouse nr. 1.

Pero pa 1.30 or merdia asistencia a wordo pidi pa un candela di tanki na WEB. na e sitio el a topa cu comandante Lopez cu no por a domina e candela cu su equipo. Chinto a subi e tanki cu un hose di 2 1/2 y riba dak el a topa cu 2 pa 3 bombero y tambe Sr. Ronny Paskel d.m. El a ordena tur hende pa baha y solamente Sr. Paskel a keda asisti.

Te na e momento ey no tabata conoci kico tabata causa di e candela. El a bay mey mey di e dak unda tabata tin un buraco y a duna señal na su pumper operator staciona parti panort di caminda na ex Ho Sing Loy Building.

Na momento cu e foam a bay den e tanki, inmediatamente tabata tin un explosion cu a sorprende nan dos y a causa cu parti di e dak a bay laira y azeta cayente-pitch, a cuminsa bay laira.

Mes ora el a ordena Sr. Paskel pa baha lihe y un seconde su tras tabata tin otro explosion pariba. Zeta cayente a bay laira basha riba nan dos. Segun Chinto, asina cu el a yega na e pidi rail parti pariba, el a bisa: "Mi Dios mi ta den bo man!"

Te awe e no sa con nan dos a scapa y con nan a yega tera. Como cu nan tabata cubri cu azeta y kemadura na parti curpa, comisario di polis Sr. Zaandam a percura pa nan bay hospital na Playa. Aki nan a pone tur dos den un camber bashi, y danki na Sra. Paskel cu a trece coverall pa nan.

Sorpresa tabata cu na hospital nan a nenga di atende Chinto pasobra e ta di Lago. Hefe di polis di lago, Sr. Brooks cu tabata na hospital a hiba Chinto hospital di lago pa tratamento.

CONSEJO: E consejo di Chinto ta cu "Unda cu bo ta, semper gradici Dios cu e ta presente".

